



ՈՒՍՈՒՑՉԻ ԱՌԱՐԿԱՅԱԿԱՆ ԳԻՏԵԼԻՔԻ ՍՏՈՒԳՈՒՄ

2021

ՀԱՅՈՑ ՊԱՏՄՈՒԹՅՈՒՆ

ԹԵՍՏ 2

ՔՆՆԱՍԵՆՅԱԿԻ ՀԱՄԱՐԸ

ՆՍՏԱՐԱՆԻ ՀԱՄԱՐԸ

**Ձևաթղթի լրացման կանոնները**

Ընտրովի պատասխանով առաջադրանքները 1-36-ն են, կարճ պատասխանով առաջադրանքները՝ 37-80-ը: Յուրաքանչյուր առաջադրանքի ճիշտ պատասխանը գնահատվում է 1 միավոր:

1. **Ընտրովի պատասխանով առաջադրանքներում** ձևակերպվում է հարցը և տրվում է պատասխանի չորս տարբերակ: Գիշտ պատասխանը գտնելուց հետո անհրաժեշտ է տվյալ պատասխանի համարին համապատասխանող վանդակում դնել «X» նշանը:
2. **Կարճ պատասխանով առաջադրանքները** հաջորդականության, համապատասխանության, բոլոր ճիշտ կամ բոլոր սխալ պատասխանների ընտրությամբ առաջադրանքներ են, որոնց ճիշտ պատասխանին համապատասխանող **թվերը** պետք է տեղադրել ձևաթղթի համապատասխան վանդակներում՝ **յուրաքանչյուրում գրելով մեկ նիշ:**

**44-46-րդ** առաջադրանքներին պատասխանելիս անհրաժեշտ է նախատեսված հորիզոնական վանդակներից յուրաքանչյուրում գրել մեկ նիշ՝ պահպանելով տառերի և թվերի ճիշտ համապատասխանությունը:

**47-50-րդ և 76-80-րդ** առաջադրանքներին պատասխանելիս անհրաժեշտ է **ժամանակագրական** ճիշտ հաջորդականությամբ դասավորել իրադարձությունները՝ պահպանելով թվերի ճշգրիտ հերթականությունը:

**Մնացած առաջադրանքներին** պատասխանելիս անհրաժեշտ է գրել առաջադրանքի պահանջին բավարարող ճիշտ պատասխանների համարները, որոնց քանակը կարող է լինել 1, 2 կամ 3: Այս տիպի առաջադրանքներում **պարտադիր չի** պահպանել թվերի ճիշտ հերթականությունը:

37-80-րդ առաջադրանքների պատասխանների համար միավոր է տրվում այն դեպքում, եթե նշված են **բոլոր** ճիշտ պատասխանները:

**Ցանկանում ենք հաջողություն**

1

**Ի՞նչ իրադարձության մասին է ներկայացվող մեջբերումը:**

«Քաղաքից տեղում էին նետեր, ինչպես անձրևն ամպերից, պարսատիկների քարերն անձրևի կաթիլների պես. . . պարիսպներից թափվում էին ամբողջ տարին աղմկոտ սուլոցով: Օրերն անցնում էին, ամիսները երկարում. . . ».

- 1) Անիի պաշտպանություն
- 2) Տիգրանակերտի պաշտպանություն
- 3) Արտագերսի պաշտպանություն
- 4) Արատտայի պաշտպանություն

**Կարդացե՛ք մեջբերված հատվածը և պատասխանե՛ք 2-5-րդ հարցերին:**

2

**Պատմական ո՞ր աշխատությունից է ստորև բերված մեջբերումը:**

«Այսուհետև զորացե՛ք և քա՛ջ եղեք՝ որպես քաջարի զավակներ, և ոչ ոքից ու ոչնչից մի՛ երկնչեք, որովհետև ահա հասել է քրիստոնյաների փրկության ժամանակը»:

- 1) «Պատմութիւն Դավիթ բեկին»
- 2) «Գիրք պատմութեանց»
- 3) «Պատմութիւն պատերազմաց»
- 4) «Համառօտ պատմութիւն Աղուանից»

3

**Ո՞ր վայրում հավաքված զորքին են քաջալերել վերը բերված խոսքերով:**

- 1) Ջևա
- 2) Հալիձոր
- 3) Չոլակ
- 4) Չավնդուր

4

**Ո՞վ է զորքին քաջալերել վերը մեջբերված խոսքերով:**

- 1) Եսայի Հասան Ջալալյան
- 2) Վախթանգ VI
- 3) Դավիթ բեկ
- 4) Մխիթար սպարապետ

5

**Ե՞րբ է տեղի ունեցել մեջբերման մեջ նշվող իրադարձությունը:**

- 1) 1722 թ.
- 2) 1723 թ.
- 3) 1727 թ.
- 4) 1724 թ.

**Կարդացե՛ք մեջբերված հատվածը և պատասխանե՛ք 6-8-րդ հարցերին:**

Նրանք հայ ժողովրդին կոչ էին անում «հրաժարվելու ոչ միայն Մեծ Հայաստանի ...այլև, հնարավոր է, նույնիսկ մշտապես ... անվանված հողատարածքների միավորման ավելի համեստ ցանկությունից: Հայաստանին... այլ ելք չի մնում, քան հաշտվել դրա հետ և համաշխարհային հեղափոխության շահերին զոհաբերել և՛ իր երբեմնի հողատարածքները, և՛ իր ժողովրդի այնտեղ մնացած հատվածները»:

**6** Ո՞ր իրադարձության հետ կապված է ասվել հետևյալ տեսակետը:

- 1) ԽՍՀՄ-ի կազմավորում
- 2) Բաթումի պայմանագրի կնքում
- 3) Սևրի պայմանագրի կնքում
- 4) ռուս-թուրքական երկրորդ կոնֆերանս

**7** Ովքե՞ր էին այս տեսակետի հեղինակները:

- 1) ադրբեջանցիները
- 2) քեմալականները
- 3) բոլշևիկները
- 4) վրացիները

**8** Ո՞ր հողատարածքների մասին է խոսքը:

- 1) արևմտյան
- 2) անատոլիական
- 3) հայկական
- 4) արցախյան

**9** Ո՞վ է հետևյալ խոսքերի հեղինակը:

«Հայ տարրը պետք է հիմքից արմատախիլ անել, որպեսզի ոչ մի հայ չմնա մեր հողում, և մոռացվի բուն այդ անունը: Հիմա պատերազմ է, այսպիսի հարմար առիթ այլևս չի լինի: Մեծ տերությունների միջամտությունն ու համաշխարհային մամուլի աղմկոտ բողոքները կմնան աննկատ, իսկ եթե նրանք իմանան էլ, կկանգնեն կատարված փաստի առաջ, և դրանով իսկ հարցը կսպառվի»:

- 1) Էնվեր
- 2) Թալեաթ
- 3) Նազըմ
- 4) Ջեմալ

**Կարդացե՛ք մեջբերված խոսքը և պատասխանե՛ք 10 -11-րդ հարցերին:**

*«Գալստյանի անունը մենք կմտցնենք հերոսների՝ .... պաշտպանների անջնջելի ցուցակում և կհիշենք նրան ընդմիշտ»:*

**10** Ո՞վ է մեջբերված խոսքի հեղինակը:

- 1) Գեորգի Ժուկով
- 2) Հովհաննես Բաղրամյան
- 3) Համազասպ Բաբաջանյան
- 4) Նիկոլայ Տիխոնով

**11** Ո՞ր քաղաքի անունն է բաց թողնված մեջբերման մեջ:

- 1) Լենինգրադ
- 2) Մոսկվա
- 3) Ստալինգրադ
- 4) Սևաստոպոլ

**12** Ո՞ր գրքից է մեջբերված հատվածը:

«... բանն այն է, որ եթե հասարակ ժողովրդից որևէ մեկը սխալվում կամ մեղանչում է, ապա միայն իրեն է վնաս բերում, իսկ իշխանի սխալվելը ոչ միայն վնասներ, այլև երբեմն մեծամեծ պատուհասներ ու աշխարհավերություններ է բերում ամբողջ ազգին... »:

- 1) «Ազգապատում»
- 2) «Որոգայթ փառաց»
- 3) «Նոր տետրակ, որ կոչի յորդորակ»
- 4) «Մարտական հրահանգներ»

**13** Ի՞նչ նպատակով է հրատարակվել Մխիթարյան միաբանության «Տարեգրություն» պարբերականը:

- 1) Հայ ժողովրդին աշխարհում կատարվող իրադարձությունների մասին տեղեկություններ հաղորդելու համար:
- 2) Հայ ժողովրդին իր պատմությանը հաղորդակից դարձնելու համար:
- 3) Եվրոպայի հետ քաղաքական հարաբերությունների հիմքեր գցելու համար:
- 4) Հայության հասարակական կյանքը կազմակերպելու և ուղղորդելու համար:

**14** Որտե՞ղ է գտնվում Արձնի գյուղը:

- 1) Արևելյան Տիգրիսի հովտում
- 2) Արագածի ստորոտում
- 3) Արևելյան Եփրատի հովտում
- 4) Արաքսի հովտում

**Կարդացե՛ք մեջբերված խոսքը և պատասխանե՛ք 15-րդ և 16-րդ հարցերին:**

*«Ամեն ոք իր մասին է մտածում: Իր երկրի սահմաններից այն կողմ եթե նայող կա, նայում է միայն հանուն իր շահերի: Ոչ ոք ոչ մի մարդ չի ուղարկի տաճկական ճակատ՝ տուն գնացող ռուսներին փոխարինելու համար... Մենակ ենք և պետք է ապավինենք միայն մեր ուժերին՝ թե՛ ճակատը պաշտպանելու և թե՛ երկրի ներսում կարգ հաստատելու համար»:*

**15** Որտե՞ղ է հնչել հետևյալ ելույթը:

- 1) Հայոց ազգային համախորհրդակցությունում
- 2) Թիֆլիսի Հայոց ազգային խորհրդի նիստում
- 3) Արևմտահայերի ազգային համագումարում
- 4) Երևանի Հայոց ազգային խորհրդի նիստում

**16** Ո՞վ է վերը բերված խոսքերի հեղինակը:

- 1) Նիկոլ Աղբալյան
- 2) Թովմաս Նազարբեկյան
- 3) Արամ Մանուկյան
- 4) Մովսես Միլիկյան

**17** Ո՞վ է ստորև բերված խոսքերի հեղինակը:

*«Ես չեմ, որ կհրավիրեմ ձեզ, արտասահմանյան հա՛յ երիտասարդներ, այլ դժբախտ հայրենիքին հողն ու քարը իրենց արյունով ներկած մեր նահատակներն ու պաշտելի հերոսներն են, որ կոչ կընեն ձեզի՝ զենքի, զինավարժության ու վրեժխնդրության»:*

- 1) Նիկոլ Դուման
- 2) Գևորգ Չավուշ
- 3) Հրայր Դժոխք
- 4) Անդրանիկ Օզանյան

18

Ո՞ր շարքում են ընդգրկված միայն Բ. ա. II հազարամյակում Հայկական լեռնաշխարհում ստեղծված պետական կազմավորումները:

- 1) Հայասա, Արատտա, Միտանի, Թեգարամա
- 2) Հայասա, Նաիրի երկրներ, Միտանի, Թեգարամա
- 3) Հայասա, Նաիրի երկրներ, Միտանի, Արմանի
- 4) Հայասա, Նաիրի երկրներ, Արմանի, Թեգարամա

19

Թվարկված գործիչներից ո՞վ է նշել, որ օտար գիտական մտքին հետևելուն զուգահեռ անհրաժեշտ է չմոռանալ կամ չանտեսել սեփական ժողովրդի ձեռքբերումները:

- 1) Վիկտոր Համբարձումյան
- 2) Գրիգոր Մազիստրոս
- 3) Մատթեոս Ջուղայեցի
- 4) Անտոն Գարագաշյան

20

Նշված պայմանագրերից որի՞ կնքման արդյունքում է Հայաստանը գտնվել քաղաքական ավելի բարենպաստ իրավիճակում:

- 1) Նվարսակ
- 2) Արտաշատ
- 3) Դամասկոս
- 4) Կարակորում

21

Ընտրել տերմինի կամ հասկացության ճիշտ բացատրությունը:

- 1) Մայիսյան ապստամբության ժամանակ բոլշևիկների ազդեցության տակ անցած զրահագնացքը կոչվում էր «Վարդան Մամիկոնյան»:
- 2) Մարաշում Սարգիս Ճեպեճյանի ղեկավարությամբ քեմալականների դեմ հայերի պաշտպանական մարտերը գլխավորող մարմինը կոչվում էր ինքնապաշտպանության բարձրագույն խորհուրդ:
- 3) 1920թ. ամռանը նախաստորագրված խորհրդա-քեմալական փաստաթուղթը կրում էր «Սրտագին և անկեղծ բարեկամության պայմանագիր» անվանումը:
- 4) Տաթևում հրավիրված համազանգեզուրյան 1-ին համագումարում Ջանգեզուրը հռչակվեց «Լեռնահայաստան»:

22

**Ներկայացված պատճառներից կամ հետևանքներից ո՞րն է ճիշտ:**

- 1) Ավարայրի ճակատամարտում նահատակված հայորդիներին սրբերի շարքին դասելու համար հիմք էր ծառայել IV դարի առաջին կեսին սահմանված կարգը:
- 2) Արճեշի ճակատամարտի հաղթական ավարտից ոգևորված հայ ապստամբները շարժվեցին դեպի Բագրևանդ գավառ:
- 3) 720-ական թթ. հայերի նկատմամբ ճնշումները սաստկանում էին արաբական զորքերի պարբերաբար կրկնվող արշավանքների պատճառով:
- 4) VII դարի 60-70-ական թթ. Հայաստանի շարունակվող տնտեսական ու քաղաքական անկումը նրա անկախության կորստի հետևանք էր:

23

**Թվարկվածներից որո՞նք են արևմտահայության նկատմամբ Ռուսաստանի ժամանակավոր կառավարության որդեգրած քաղաքականության արդյունքներ:**

- ա) Առաջին անգամ պաշտոնապես ճանաչվեց և ձևակերպում ստացավ Օսմանյան կայսրությունից նվաճված տարածքի հայկական մասը՝ որպես վարչական առանձին միավոր՝ «Թուրքահայաստան» անունով:
- բ) Ժամանակավոր կառավարությունը ճանաչեց Արևմտյան Հայաստանի անկախությունը:
- գ) Ռուսական զորքերը անհապաղ դուրս էին բերվում թուրքերից գրաված տարածքներից:
- դ) Ռուսական նոր իշխանությունը սկսեց հայկական մարզերում հայանպաստ քաղաքականություն իրականացնել:
- ե) Ժամանակավոր կառավարությունը հրահանգեց թույլատրել արևմտահայերին վերաբնակվելու հայկական երեք մարզերում:
- զ) Հատուկ որոշմամբ Արևմտյան Հայաստանում հաստատված բոլոր քրդերը տեղահանվելու էին:

- 1) գ, ե, զ
- 2) ա, դ, զ
- 3) բ, գ, զ
- 4) ա, դ, ե

24

**Թվարկվածներից որո՞նք են Դամասկոսում կնքված հայ-արաբական դաշնագրի պայմաններից:**

- ա) Բյուզանդացիների ներխուժման դեպքում խալիֆայությունն այնքան զորք էր ուղարկելու, որքան կամենային հայերը:
- բ) Հայաստանում տեղակայվելու էին սահմանափակ քանակությամբ արաբական զորքեր:
- գ) Հայոց եկեղեցիներն ազատվելու էին հարկերից:
- դ) Արաբական խալիֆայությունը ճանաչում էր Հայաստանի տարածքային ամբողջականությունը:
- ե) Հայաստանում գանձվող հարկի հաշվին հայերը պահելու էին 15-հազարանոց այրուձի:
- զ) Պարսիկների ներխուժման դեպքում խալիֆայությունն այնքան զորք էր ուղարկելու, որքան կամենային հայերը:
- է) Արաբական խալիֆայությունն առնվազն երեք տարի Հայաստանից հարկ չէր գանձելու, իսկ դրանից հետո հայերը վճարելու էին այնքան, որքան կամենային:

- 1) ա, ե, է
- 2) բ, դ, զ
- 3) ա, գ, է
- 4) բ, ե, գ

25

**Թվարկվածներից որո՞նք են 1905–1906 թթ. հայ-թաթարական ընդհարումների հետևանքներ:**

- ա) Հայությունը մարտական լուրջ փորձառություն անցավ:
- բ) Ավելի գերիշխող դարձավ հայ ժողովրդի երկու հատվածների միասնականության գաղափարը:
- գ) Ամրապնդվեց հայերի և կովկասյան թաթարների ռազմաքաղաքական դաշինքը:
- դ) Բարձրացավ հայերի վստահության աստիճանը. նրանք պատրաստ էին հակահարված տալու իրենց ոչ բարյացակամ հարևաններին:
- ե) Հայ հոգևորականության հեղինակությունն աճեց որպես զինված պայքարի կազմակերպիչ:
- զ) Սկսեց արձարծվել երկրամասի հայկական բնակավայրերը միավորելու և անկախ Հայաստան ստեղծելու գաղափարը:
- է) Ռուսական մեծապետական շովինիզմն սկսեց տեղի տալ, թուլացավ ոչ ռուս ժողովուրդների ազգային-գաղութային ճնշումը:

- 1) ա, բ, դ
- 2) բ, գ, է
- 3) ա, դ, գ
- 4) բ, գ, է



26

**Գտնել այն երկու իրադարձությունները, որոնք խախտում են ստորև տրված շարքի ժամանակագրական հաջորդականությունը:**

- ա) Գյուլիստանի պայմանագրի կնքումը
- բ) Երևանի գրավումը ռուսների կողմից
- գ) Շամքորի ճակատամարտը
- դ) Օշականի ճակատամարտը
- ե) ռուսական զորքերի կողմից Սարդարապատի գրավումը
- զ) Թուրքմենչայի պայմանագրի կնքումը
- է) «Նոր տետրակի» ռուսերեն թարգմանությունն ու լույսընծայումը Պետերբուրգում
- ը) Ադրիանուպոլսի պայմանագրի կնքումը
- թ) Վ. Բեհբուրովի նշանակվելը Հայկական մարզի կառավարչի պաշտոնում

- 1) բ, թ
- 2) գ, է
- 3) բ, է
- 4) ե, գ

27

**Թվարկված իրադարձություններից ո՞րն է տեղի ունեցել վեցերորդը՝ ըստ ժամանակագրական հաջորդականության:**

- ա) խորհրդա-գերմանական չհարձակման պայմանագրի կնքումը
- բ) Նելսոն Ստեփանյանի զոհվելը
- գ) 390-րդ դիվիզիայի կազմացրումը
- դ) հատուկ որոշումով Հայոց եկեղեցում Մեծ եղեռնի օրը նշելն արգելելը
- ե) Նվեր Մաֆարյանի նշանակվելը Թամանյան դիվիզիայի հրամանատար
- զ) Էջմիածնի վանքը փակելու վերաբերյալ ՀԿ(բ)Կ կենտկոմի որոշման ընդունումը
- է) ավիացիայի մարշալ Սերգեյ Խուդյակովի գնդակահարությունը
- ը) ԽՍՀՄ կառավարության կողմից խորհրդա-թուրքական բարեկամության և չեզոքության պայմանագրի չեղյալ հայտարարելը

- 1) բ
- 2) է
- 3) դ
- 4) գ

**Իրադարձությունները դասավորել ժամանակագրական հաջորդականությամբ:**

- ա) Սպիտակի երկրաշարժը
- բ) «Հայկական ԽՍՀ-ի և Լեռնային Ղարաբաղի վերամիավորման մասին» համատեղ որոշման ընդունումը
- գ) ՀՀ-ում եռաստիճան դատական համակարգի ներդրումը
- դ) Հայաստանի անկախության մասին հռչակագրի ընդունումը
- ե) ՀՀ անկախության հանրաքվեն
- զ) Հայոց համազգային շարժման առաջին համագումարի բացումը
- է) ՀՀ-ում վարչատարածքային նոր միավորների՝ 10 մարզերի ստեղծումը
- ը) Լևոն Տեր-Պետրոսյանի ընտրվելը Հայաստանի Գերագույն խորհրդի նախագահ
- թ) ՀՀ բարձրագույն օրենսդիր մարմնի՝ Գերագույն խորհրդի վերանվանվելը Ազգային ժողով
- ժ) ԽՍՀՄ ժողովրդական պատգամավորների 1-ին համագումարի բացումը

- 1) ժ, գ, բ, ա, ը, դ, թ, գ, է, ե
- 2) ա, գ, ժ, բ, թ, է, դ, ը, գ, է
- 3) ա, ժ, գ, բ, ը, դ, է, թ, է, գ
- 4) ժ, գ, ա, բ, դ, ը, է, թ, է, գ

**Ստորև թվարկված պատմական իրադարձությունների պատճառներից և հետևանքներից որո՞նք են սխալ:**

- ա) Վարդանանց պատերազմի արդյունքը հայոց երկրի ներքին ինքնուրույնության պահպանումն էր:
- բ) Խաղխաղի ճակատամարտի հետևանքը պարսից զորավար Միհրանի քսանհազարանոց զորքի պարտությունն էր:
- գ) Հայ իշխանների միջև առաջացած տարաձայնություններին Սաջյան ամիրաների միջամտության առիթը Նախճավան քաղաքի համար վեճն էր:
- դ) 1137 թ. Հովհաննես Կոմնենոս կայսեր՝ Կիլիկիա արշավանքի պատճառը Թորոս I-ին միջերկրածովյան շրջանից դուրս մղելն էր:
- ե) Անտիոքի իշխանի որդի Ֆիլիպին հայոց գահից զրկեցին նրա ոչ հայամետ քաղաքականության պատճառով:
- զ) 1307 թ. Սիսի եկեղեցական ժողովի հետևանքը Հայոց եկեղեցու ձեռքերի և արարողությունների մի մասի հարմարեցնելն էր հունական և ասորական եկեղեցիների դավանանքին:

- 1) ա, բ, գ
- 2) բ, դ, գ
- 3) ա, գ, դ
- 4) բ, է, գ

**Նշված պնդումներից որո՞նք են ճիշտ:**

- ա) Դավիթ Ալավկատրդին XII դարում հայ իրականության մեջ առաջին անգամ փորձեց իրավական մեկ համակարգի մեջ ընդգրկել եկեղեցական և աշխարհիկ իրավունքը և ստեղծել միասնական օրենսդրություն:
- բ) Միջնադարյան հայ իրավական մտքի գլուխգործոցը Մխիթար Գոշի «Դատաստանագիրքն» է, որը կազմվել է XII դարի վերջերին:
- գ) Կաթողիկոս Ներսես Շնորհալու հեղինակած «Հայոց կանոնագիրքը» անդրադառնում է ամուսնա-ընտանեկան իրավունքի որոշ նորմերի:
- դ) Պարսից արքա Պերոզը Հայաստանը թուլացնելու նպատակով հողեր ժառանգելու իրավունք շնորհեց սեպուհներին:
- ե) Կիլիկիայում գործող բարձրագույն դպրոցների շարքում մեծ հռչակ էր վայելում Սսի համալսարանը, որի հիմնադրմանը աջակցել էր Գրիգոր Մլիճեցին:
- զ) Ղևոնդ պատմիչը նկարագրել է հայ ժողովրդի հերոսական պայքարը պարսից տերության դեմ:

- 1) բ, դ, ե
- 2) բ, ե, գ
- 3) ա, բ, ե
- 4) ա, բ, դ

**Կարդացե՛ք մեջբերված հատվածը և պատասխանե՛ք 31- 35-րդ հարցերին:**

*«Լեոնային Ղարաբաղը մշտնջենապես բնակեցված է եղել հայերով, և նրանց հայրենիքի մի հատվածն է, որը, ..... մեղքով հայտնվելով Ադրբեջանի կազմում, 65 տարի շարունակ ենթարկվել է ստորացման, վիրավորանքների ու ամեն տեսակի ճնշումների... Լեոնային Ղարաբաղի ճակատագիրը կարող են լուծել միայն ... Ստեղծված իրավիճակի միակ ճշմարիտ լուծումը կարող է լինել Լեոնային Ղարաբաղի դուրսբերումը Ադրբեջանի կազմից»:*

**Որտե՞ղ են հնչել այս խոսքերը:**

- 1) ԼՂԻՄ Հատուկ կառավարման կոմիտեի նիստում
- 2) Երևանում՝ ՀԽՍՀ Գերագույն խորհրդի նիստում
- 3) Մոսկվայում՝ ԽՍՀՄ Գերագույն խորհրդի նախագահության նիստում
- 4) ԵԱՀԿ Մինսկի խմբի համանախագահության նիստում

**Ըստ սկզբնաղբյուրի՝ ո՞ւմ մեղքով է հայտնվել ԼՂԻՄ–ը Ադրբեջանի կազմում:**

- 1) Վլադիմիր Լենին
- 2) Սերգեյ Կիրով
- 3) Նարիման Նարիմանով
- 4) Իոսիֆ Ստալին

33

Ըստ սկզբնաղբյուրի՝ Լեոնային Ղարաբաղի ճակատագիրը կարող են լուծել միայն:

- 1) Ռուսաստանի Դաշնությունը և ԱՄՆ-ը
- 2) Հայաստանի Հանրապետության բնակիչները
- 3) միջազգային կառույցները
- 4) Լեոնային Ղարաբաղի բնակիչները

34

Ո՞վ է մեջբերված խոսքերի հեղինակը:

- 1) Հենրիխ Պոդոպյան
- 2) Զորի Բալայան
- 3) Վաչե Սարուխանյան
- 4) Յակով Զարոբյան

35

Ե՞րբ են ասվել մեջբերված խոսքերը:

- 1) 1988 թ. հունիսի 13
- 2) 1988 թ. հունիսի 15
- 3) 1988 թ. հուլիսի 18
- 4) 1988 թ. հուլիսի 20

36

Նշված իրադարձություններից ո՞րն է վկայում Խալդի աստծո պաշտամունքի պահպանման մասին:

- 1) Արմավիրի պաշարում
- 2) Բաբելոնի ապստամբություն
- 3) Արածանիի ճակատամարտ
- 4) Արատտայի պաշտպանություն

37

Ներկայացված պատճառներից կամ հետևանքներից որո՞նք են ճիշտ:

- 1) Հուստինիանոս I-ի ընդունած ժառանգության մասին հատուկ օրենքը նպաստեց Արևմտյան Հայաստանի հայ նախարարների իշխանության թուլացմանը:
- 2) Ժառանգական նախարարական խոշոր հողատիրության զարգացումը ուշ միջնադարում հանգեցրեց նրան, որ թագավորական հողատիրությունը ամփոփվեց Միջնաշխարհում գտնվող ոստանի սահմաններում:
- 3) VI դարի հայ եկեղեցական ժողովները Հայոց եկեղեցու դավանաբանությունը պաշտպանեցին բյուզանդական եկեղեցու ոտնձգություններից:
- 4) Բյուզանդիան վարում էր Արաբական խալիֆայության կենտրոնաձիգ ուժերին խրախուսելու քաղաքականություն:
- 5) Բյուզանդիան ծածուկ խրախուսում էր պարսից տերության դեմ VIII դարում ապստամբած հայերին:

**Նշված պնդումներից որո՞նք են ճիշտ :**

- 1) Արցախի Քթիշ ամրոցի պաշտպանները մեկ տարի հերոսաբար դիմադրեցին արաբական զորքերին:
- 2) Արաբ ամիրաների հարկային ու կրոնական դաժան հալածանքները դարձան 703թ. հակաարաբական ապստամբության պատճառ:
- 3) 748-750թթ. ապստամբությունն ընդգրկեց նաև Մասուն-Խուր գավառը:
- 4) Բագրատունիների Հայոց թագավորության ստեղծմանը նախորդած տասնամյակներին ուժեղացան Բագրատունի, Արծրունի, Արցախի, Սյունիքի հայկական իշխանությունները:
- 5) 850թ. սասունցիները մահապատժի ենթարկեցին Հայաստան ներխուժած արաբական զորքերի հրամանատար Յուսուֆին:
- 6) 703թ. հակաարաբական ապստամբության ժամանակ Հովհան Օձնեցի Հայոց կաթողիկոսը նամակով խալիֆից խնդրում է ճանաչել հայոց հավատքը և խուսափել արյունահեղությունից:

**Ընտրել տերմինների կամ հասկացությունների սխալ բացատրությունները :**

- 1) Փարիզում Պողոս Նուբարի նախաձեռնությամբ հրավիրված ժողովը հայտնի է «Հայոց ազգային համագումար» անունով:
- 2) Մինչև 1991 թ. նոյեմբերի կեսերը նոր ինքնիշխան պետությունների ղեկավարների քննարկած միութենական պայմանագրի նախագծի վերջնական տարբերակում նոր միությունը բնութագրվում էր որպես «համադաշնային ժողովրդական պետություն»:
- 3) 1947 թ. ապրիլի 30-ից մայիսի 4-ը Նյու Յորքում կայացած Հայկական համաշխարհային կոնգրեսի նախաձեռնող կազմակերպությունը կոչվում էր Ամերիկայի Հայկական ազգային խորհուրդ:
- 4) 1987 թ. հունիսի 18-ին 1915 թ. հայերի ցեղասպանությունը դատապարտած մարմինը կոչվում էր Եվրոպական միություն:
- 5) Էջմիածնում հիմնված մշակութային-պատմական ինստիտուտը 1925 թ. վերափոխվելուց հետո կոչվեց Գիտության և արվեստի ինստիտուտ:
- 6) 1988 թ. փետրվարի 20-ին ԼՂԻՄ մարզխորհրդի արտահերթ նստաշրջանի օրակարգում դրված հարցը վերնագրված էր՝ «Լեռնային Ղարաբաղի Ինքնավար Մարզի Գերագույն խորհրդի միջնորդությունը՝ երկրամասը Ադրբեջանական ԽՍՀ-ից հանելու և Հայկական ԽՍՀ-ի կազմի մեջ մտցնելու մասին»:

**Ստորև տրված պնդումներից որո՞նք են սխալ:**

- 1) Ք. ա. VIII հազարամյակում Արարատյան դաշտում գոյություն ունեին զարգացած վաղ երկրագործական հասարակություններ:
- 2) Բնիկ հայկական ավանդության համաձայն՝ Հայ(ա) աստծու անունով մեր ժողովուրդը կոչվել է հայ, իսկ երկիրը՝ Հայք, Հայաստան:
- 3) Միջնադարում հայկական ուժեղ պետություն է ստեղծվել Միջերկրական ծովի հյուսիս-արևելյան ափին ընկած Կիլիկիայում, որն ունեցել է մինչև 50. 000 քառ. կմ տարածք:
- 4) Հայերի ծագումնաբանության մասին վրացական ավանդությունը գրի է առնվել զարգացած միջանադարի վրաց հեղինակների կողմից:
- 5) Թորգոմա տունը եղել է Եփրատի վերին ավազանում և հիշատակվում է դեռևս Ք. ա. XX - Ք. ա. XVIII դարերում:
- 6) Հայասայի և Ասորեստանի միջև կնքվել է բարեկամության և փոխօգնության պայմանագիր:

**Ընտրել տերմինների կամ հասկացությունների ճիշտ բացատրությունները:**

- 1) Հայաստանի Գերագույն խորհրդի 1990թ. օգոստոսին ընդունած փաստաթուղթը կոչվում էր «Հռչակագիր Հայաստանի պետական անկախության վերականգման մասին»:
- 2) Յակով Չարոբյանի նախաձեռնությամբ ԽՄԿԿ կենտկոմին ՀԿԿ կենտկոմի ուղարկած ծավալուն նամակը վերնագրված էր «1915 թ. հայերի զանգվածային բնաջնջման 50-ամյակի հետ կապված միջոցառումների մասին»:
- 3) Խորհրդային իրականությունն առանց ուժային միջոցների, գաղափարական ճանապարհով փոփոխելու պայքարի ուղին ընտրած մարդկանց կոչում էին իրավապաշտպաններ:
- 4) Խորհրդային Հայաստանում ձևավորված գաղտնի կազմակերպություններից «Հայկական երիտասարդական միություն»-ը հայտնի էր «Յոթ հայրենասերներ» անունով:
- 5) Օրենսդիր բարձրագույն մարմինը, որը 1988 թ. հունիսի 15-ին քննարկեց ԼՂԻՄ մարզխորհրդի փետրվարի 20-ի որոշումը, Հայաստանի Ազգային ժողովն էր:
- 6) 1989 թ. օգոստոսի 16-ին Ստեփանակերտի պետական թատրոնի շենքում տեղի ունեցած Լեոնային Ղարաբաղի ազգաբնակչության լիազոր ներկայացուցիչների համագումարում 80 հոգուց ընտրված մարմինը կոչվում էր Ազգային խորհուրդ:
- 7) Հայաստանում 1966 թ. ապրիլի 24-ին ստեղծված նոր գաղտնի կազմակերպությունը կոչվում էր «Ազատ, Անկախ և Միացյալ կուսակցություն»:

42

**Գտնել ճիշտ պատասխանները:**

*Ի՞նչ հետևանքներ ունեցան 1996 թ. նախագահական ընտրությունները.*

- 1) Երկրի բոլոր քաղաքական ուժերի ղեկավարությամբ սկսվեցին հանրահավաքներ ու ցույցեր:
- 2) Պաշտոնական տվյալներով ձայների մեծամասնությամբ նախագահ ընտրվեց «Հանրապետություն» միավորման առաջադրած թեկնածուն:
- 3) Չայների մեծամասնությամբ նախագահ ընտրվեց «Միասնություն» դաշինքի առաջադրած թեկնածուն:
- 4) ՀՀ նախագահ ընտրվեց ԱԺՄ առաջադրած թեկնածուն:
- 5) Ընդդիմադիր ուժերի կողմից առաջ քաշվեց կրկնակի ընտրությունների պահանջը:
- 6) Երկրում խորացավ քաղաքական ճգնաժամը:
- 7) ՀՅԴ-ն դադարեցրեց ընդդիմադիր պայքարը և սատարեց ընտրված ՀՀ նախագահին:

43

**Գտնել ճիշտ պատասխանները:**

**Արցախյան հիմնախնդրի շուրջ տարվող աշխատանքների արդյունքում՝**

- 1) 1993 թ. ընթացքում ԼՂՀ-ի խնդրով ՄԱԿ-ում ընդունվել է երեք բանաձև:
- 2) Արցախյան հիմնախնդիրը Եվրոպայի անվտանգության և համագործակցության կազմակերպության (ԵԱՀԿ) քննարկման առարկա դարձավ 1992 թ. հունվարից, երբ ՀՀ-ն անդամակցեց ԵԱՀԿ-ին:
- 3) ԵԱՀԿ ձևաչափով ստեղծվել է արցախյան հիմնախնդրի լուծման հիմնական կառույցը՝ ԵԱՀԿ Մինսկի խումբը՝ Ռուսաստանի, ԱՄՆ-ի և Գերմանիայի համանախագահությամբ:
- 4) 1999 թ. վերջին ԵԱՀԿ Լիսաբոնի գազաթնաժողովում փորձ արվեց Արցախյան հիմնախնդրի լուծումը կապել Ադրբեյջանի տարածքային ամբողջականության հետ:
- 5) ԵԱՀԿ Մինսկի խմբի համանախագահների ջանքերով 1999թ. սկսվեցին Հայաստանի և Ադրբեյջանի նախագահների ուղղակի շփումները:
- 6) ՀՀ-ի համար խնդրի կարգավորման հիմքը եղել է պետությունների տարածքային ամբողջականության պահպանման իրավունքի ամրագրումը:
- 7) 1994 թ. ապրիլի 12-ի զինադադարից հետո սկսվեց ԼՂՀ հակամարտության կարգավորման բանակցային փուլը:

**Քաղաքական կազմակերպություն****Գործիչ**

- |                                   |                       |
|-----------------------------------|-----------------------|
| ա. Հնչակյան կուսակցություն        | 1) Հակոբ Կալոյան      |
| բ. Հայ հեղափոխական դաշնակցություն | 2) Խաչատուր Մալումյան |
| գ. Բարենպատակ ընկերություն        | 3) Կարապետ Նշկյան     |
| դ. Միություն ի փրկություն         | 4) Ներսես Աբելյան     |
| ե. Պաշտպան հայրենյաց              | 5) Գրիգոր Մոսեյան     |
| զ. Հայրենասերների միություն       | 6) Պետրոս Հայկազունի  |
|                                   | 7) Ռուբեն Խանազատ     |

- ա. Հայոց ազգային կենտրոնական բյուրո
- բ. Ազգային պատվիրակություն
- գ. Ազգային սահմանադրություն
- դ. Ազգային ժողով
- ե. Հայոց տուն
- զ. Պատգամավորական Կենտրոնական ժողով
- 1) դաշնակցության ղեկավար մարմին
  - 2) Պողոս Նուբար փաշայի գլխավորությամբ 1912 թ. ստեղծված մարմին
  - 3) օրենսդիր մարմին, որն, ըստ Ազգային սահմանադրության, ընտրվում էր ամբողջ ազգի կողմից
  - 4) Թիֆլիսում ստեղծված մարմին, որի գլխավոր նպատակը Հայկական հարցի լուծմանը նպաստելն էր
  - 5) արևմտահայերի ներքին կյանքը կազմակերպող իրավական փաստաթուղթ
  - 6) Մկրտիչ Խրիմյանի նախաձեռնությամբ հրավիրված Ռուսաստանում ապրող հայերի ժողով
  - 7) ըստ «Որոգայթ փառացի»՝ հայոց ապագա պետության բարձրագույն օրենսդիր մարմին



46

**Հասկացությունները համապատասխանեցնել իրենց բովանդակությանը:**

- |             |   |
|-------------|---|
| ա. շահապ    | 1) քրդական հակակառավարական ջոկատ          |
| բ. չելլո    | 2) հողագուրկ գյուղացի                     |
| գ. աշար     | 3) քրդերից կազմված պատժիչ հեծելազորներ    |
| դ. մարաբա   | 4) քաղաքի կառավարիչ, քաղաքապետ            |
| ե. համիդիե  | 5) բերքի 1/10-րդ մասով վճարվող հարկատեսակ |
| զ. շահաստան | 6) բուն քաղաք                             |
|             | 7) վիլայեթի կառավարիչ                     |

47

**Իրադարձությունները դասավորել ժամանակագրական հաջորդականությամբ:**

- 1) Կարսի թագավորության ձևականորեն հպատակություն հայտնելը թյուրք-սելջուկներին
- 2) Անավարզայի վերածվելը Կիլիկիայի մայրաքաղաքի
- 3) Բերդուսի ճակատամարտը
- 4) Աղթամարի կաթողիկոսության հիմնադրումը
- 5) Թորոս II-ի կառավարման ավարտը
- 6) Հայոց կաթողիկոսի նստավայրի հաստատումը Հռոմկլայում

48

**Իրադարձությունները դասավորել ժամանակագրական հաջորդականությամբ:**

- 1) Մոսկվայի «Հայրենասերների միության» գործունեության դադարեցումը
- 2) նշանավոր հայդուկ Հրայրի զոհվելը
- 3) Հայ առաքելական եկեղեցու գույքի բռնագրավման մասին օրենքի չեղարկումը
- 4) «Հայրենիքի սիրո գրասենյակ» խմբակի հիմնումը
- 5) Անդրանիկի՝ «Մարտական հրահանգներ» կանոնագիրքը հեղինակելը
- 6) Արաբոյի անդամակցելը «Դաշնակցություն» կուսակցությանը

49

**Իրադարձությունները դասավորել ժամանակագրական հաջորդականությամբ:**

- 1) Բաբելոնի գրավումը հայ-պարսկական զորքերի կողմից
- 2) Հայկազուն Երվանդական թագավորության անկախության վերականգնումը
- 3) Հայաստանի վերածումը սատրապության
- 4) Հայկական արքայական առաջին դրամների հատումը
- 5) Վահագնի գահակալումը
- 6) Բազարանի հիմնադրումը

50

**Ստորև նշված մեջբերումները դասավորել ըստ նրանցում նկարագրվող իրադարձությունների ժամանակագրական հաջորդականության:**

- 1) «Քավ լիցի՝ իմ մոլորված ոչխարը մատնեմ գայլերին»
- 2) «... եղավ աստվածագիտության լույսի դուռ և բազմազան բարիքների երջանիկ օրինակ»:
- 3) «Անհնազանդ մի ազգ են... մեր միջև: Բայց եկ... ես իմս (այսինքն՝ Արևմտյան Հայաստանի հայ գորականներին) ժողովեմ և Թրակիա ուղարկեմ, և դու քոնը (այսինքն՝ Արևելյան Հայաստանի հայ գորականներին) ժողովի՛ր և հրամայի՛ր Արևելք տանել... »:
- 4) «Քաջությամբ մեռնենք մեր աշխարհի և մեր ազգի համար»:
- 5) «Լավ ենք համարում մի անգամ մեռնել, քան թե ամեն օր եկեղեցու և քրիստոնեության արհամարհանքը և քակտումը տեսնել»:
- 6) «Մահ ոչ իմացեալ մահ է, մահ իմացեալ՝ անմահություն»:

51

**Գտնել այն իրադարձությունը, որը խախտում է ստորև տրված շարքի ժամանակագրական հաջորդականությունը:**

- 1) Զվարթնոցատիպ եկեղեցու կառուցումը Անիում
- 2) Տրապիզոնի վրացա-բյուզանդական բանակցությունները
- 3) Հովհաննես-Սմբատ և Աշոտ թագավորների մահը
- 4) Փիլարտոսի իշխանության հիմնադրումը
- 5) Հայ բնակչության կոտորածը Մանանադիի Սմբատաբերդ լեռան մոտ
- 6) Ալփ Արսլանի գորքերի կողմից Անիի գրավումը և ավերումը

52

**Ստորև թվարկված պատմական իրադարձությունների պատճառներից որո՞նք են ճիշտ:**

- 1) Առաջին աշխարհամարտի ժամանակ ցարիզմի կողմից հայ կամավորական ջոկատների ցրման գլխավոր պատճառը հայերի անկախական ձգտումներն էին:
- 2) Արցախից Ռուսաստան Հովսեփ Էմինի հեռանալու պատճառը Սիմեոն Երևանցու և տեղի ուժերի կողմից նրան չօժանդակելն էր:
- 3) Զեյթունի 1862 թ. ապստամբության ժամանակ զեյթունցիների հետ օսմանյան կառավարության փոխզիջման գնալու պատճառը Անգլիայի կողմից Թուրքիայի ներքին կյանքին միջամտությունն էր:
- 4) Կարինում 1883թ. ապրիլին տեղի է ունեցել «Պաշտպան հայրենյաց» կազմակերպության անդամների դատավարությունը, որն առաջին քաղաքական դատավարությունն էր Օսմանյան կայսրությունում:
- 5) 1914 թ. կնքված ռուս-թուրքական համաձայնագրի չիրագործվելու պատճառներից էր Բալկանյան երկրորդ պատերազմը:
- 6) Անգլիայի և Ֆրանսիայի կողմից 1915 թ. Դարդանեղի գործողությունը ձեռնարկելու պատճառը Կիլիկիայի և արաբական տարածքների գերմանական զորքերի ռազմակալման կասեցումն էր:

53

**Ի՞նչ արդյունք ունեցան V դարի հայ ազատագրական պատերազմները:**

- 1) Հայաստանի երկու հատվածները միավորվեցին
- 2) Պահպանվեցին հայոց պետականության մի շարք բաղադրիչներ
- 3) Հայերը պահպանեցին քրիստոնեական դավանանքը
- 4) Ստեղծվեց հայկական մարզպանություն
- 5) Հայ ժողովուրդը փրկվեց մահմեդականացումից
- 6) Պատմական Հայաստանի մի հատվածում ստեղծվեց հայոց թագավորություն

54

**Ստորև տրված պնդումներից գտնել որո՞նք են ճիշտ:**

- 1) XVI դ. առաջին կեսին զեյթունցիները պարտավորվեցին օսմանյան իշխանություններին վճարել տարեկան որոշակի հարկ՝ պահպանելով իրենց ներքին ինքնուրույնությունը:
- 2) Տիգրան Մեծի տերության տարածքը կազմված էր երեք կարգի հատվածներից՝ բուն հայկական հողեր, հպատակ թագավորություններ և տնտեսական ու մշակութային ազդեցության ոլորտում գտնվող երկրներ:
- 3) VIII դարում Մասանյան Պարսկաստանը մեծ վտանգ էր ներկայացնում Հայաստանի համար՝ չնայած նրան, որ լրջորեն թուլացել էր:
- 4) Պապի վարած անկախ քաղաքականության արդյունքում Հայաստանից վտարվեցին բյուզանդական զորքերը:
- 5) Դվինի 554 թ. ժողովում վերջնականապես հաստատվեց Հայոց եկեղեցու ազգային ինքնուրույնությունը:
- 6) Հայոց եկեղեցու նվիրապետական կառույցներից էր Աղվանից եկեղեցին, որի կաթողիկոսանիստ կենտրոնը XIV դարի վերջերից Գանձասարի վանքն էր:

55

**Ընտրել այն տերմիններն ու հասկացությունները, որոնք բնորոշ չեն եղել Նոր տնտեսական քաղաքականությանը:**

- 1) գյուղատնտեսության կոլեկտիվացում
- 2) պարենմասնատրում
- 3) վարձու աշխատանք
- 4) պարենային հարկ
- 5) հացահատիկի արտադրության պետական մենաշնորհ
- 6) շուկայական հարաբերություններ
- 7) ազատ առևտուր

56

**Ստորև ներկայացված պատմական իրադարձությունների պատճառներից և հետևանքներից որո՞նք են ճիշտ:**

- 1) Հայոց արքա Խոսրով I-ի որդեգրած ճիշտ քաղաքական դիրքորոշման արդյունքում Հայաստանից հեռացվեցին հռոմեական լեգեոնները:
- 2) Ք.ա. 735թ. Ասորեստանը չկարողացավ գրավել Տուշպան և չվերականգնեց իր դիրքերը Առաջավոր Ասիայում:
- 3) Ի նշանավորումն հայ-հռոմեական դաշինքի վերականգնման՝ հռոմեական կայսրը Խոսրով II-ին վերադարձրեց Հայաստանից թալանված ավարը:
- 4) Արտաշես II-ը ռազմական բարեփոխումներից հետո վերագրավեց Վիրքը:
- 5) Տիգրան III-ի ինքնուրույն և պարթևամետ քաղաքականությունը վարելու մասին վկայում է նրա կողմից պահլավերեն մակագրությամբ դրամների թողարկումը:
- 6) Հելլենիստական դարաշրջանի վերջին փուլում Սասանյանները փորձեցին հայ ժողովրդի շրջանում տարածել գրադաշտականություն:

57

**Գտնել այն երկու իրադարձությունները, որոնք խախտում են տրված շարքի ժամանակագրական հաջորդականությունը:**

- 1) Թամանյան դիվիզիայի կազմացումը
- 2) Ուրուգվայի խորհրդարանի հանձնարարական տալը իր կառավարությանը՝ Հայկական հարցը ՄԱԿ-ի քննարկմանը ներկայացնելու մասին
- 3) Պոտսդամի կոնֆերանսի ավարտը
- 4) Հայկական ատոմակայանի բացումը
- 5) ՀՀ-ում առաջին նախագահական ընտրությունների անցկացումը
- 6) Հայաստանում Գերագույն խորհրդի առաջին այլընտրանքային ընտրությունների անցկացումը
- 7) ՀՀ Գերագույն խորհրդի սահմանադրական հանձնաժողովի ստեղծումը
- 8) ԼՂՀ պաշտպանության պետական կոմիտեի ստեղծումը

58

**Թվարկվածներից որո՞նք են խախտում ստորև տրված շարքի ժամանակագրական հաջորդականությունը:**

- 1) Հայաստանի անդամակցելը ԵԱՀԿ-ին
- 2) ՀՀ ՄԱԿ-ի լիիրավ անդամ դառնալը
- 3) Լորիս Ճգնավորյանի կողմից Գյումրիի մշակութային կենտրոնի հիմնումը
- 4) Քարվաճառի շրջանի ազատագրումը
- 5) ՀՀ լիիրավ անդամակցությունը Եվրոպայի խորհրդին (ԵԽ)
- 6) Հորադիզի շրջանի ազատագրումը
- 7) Նորարար փորձառական արվեստի կենտրոնի բացումը Երևանում
- 8) ՀՀ լիիրավ անդամակցությունը Եվրասիական տնտեսական միությանը
- 9) Քառօրյա պատերազմը

**1828-1830 թթ. զանգվածային վերաբնակեցման հետևանքներ են՝**

- 1) 70 000 արևմտահայերի վերաբնակվելը ռուսական տերությանն անցած տարածքներում
- 2) կարսեցիների հաստատվելը Գյումրիում, Շիրակի դաշտում և Ապարանում
- 3) 45 000 պարսկահայատակ հայերի տեղափոխվելը Արևելյան Հայաստան
- 4) բայազետցիների և ալաշկերտցիների հաստատվելը Սևանա լճի ավազանում
- 5) էրզրումցիների հաստատվելը Մուրմալուում, Դարաշիչակում և Փամբակում
- 6) Ախալքալաքում և Ախալցխայում հայ բնակչության տեսակարար կշռի շեշտակի աճը, նախորդ ժամանակներին բնորոշ ժողովրդագրական իրավիճակի վերականգնումը
- 7) Մուշ և Վան քաղաքների գրկվելը մեծ թվով հայ առևտրականներից ու արհեստավորներից, որոնք կարևոր տեղ ունեին Օսմանյան կայսրության տնտեսության մեջ

**Ստորև տրված պնդումներից որո՞նք են ճիշտ:**

- 1) Կարսի պայմանագրի համաձայն՝ Նախիջևանում ստեղծվեց հատուկ կառավարման կոմիտե՝ Մոսկվայի վերահսկողության ներքո:
- 2) Խորհրդային Հայաստանին Առաջին հանրապետությունից փոխանցվել էր հարևան երկու երկրների հետ տարածքային-սահմանային չլուծված խնդիրների «ժառանգությունը»:
- 3) Հայ-ադրբեջանական տարածքային խնդիրները կապված էին Նախիջևանի, Լեռնային Ղարաբաղի և Զանգեզուրի հետ, որոնք, ի վերջո, բոլորը ՌԿ(Բ)Կ կովկասյան բյուրոյի ջանքերով տրվեցին Ադրբեջանին:
- 4) ՀՍԽՀ կառավարությունը 1921 թ. հունիսի 13-ին պայքարը դադարեցնելու և խորհրդայնացումն ընդունելու հերթական կոչն է ուղղել Արցախի կառավարությանը՝ նշելով, որ երկրամասը լինելու է Հայաստանի կազմում:
- 5) ՌԿ(Բ)Կ կովկասյան բյուրոյի պլենումը 1921 թ. հուլիսի 4-ի նիստում ընդունել էր արդարացի որոշում՝ Լեռնային Ղարաբաղը միացնելու Խորհրդային Հայաստանին:
- 6) Հայ-վրացական տարածքային խնդիր էր նաև Ջավախքի հարցը, որը ՌԿ(Բ) Կ կենտկոմի կովկասյան բյուրոյի ջանքերով լուծվել է Վրաստանի օգտին:

61

**Ստանձնացնել այն պայմանները, որոնք տեղ են գտել 1829 թ. Ադրիանուպոլսի հաշտության պայմանագրում:**

- 1) Կարսը, Էրզրումը և Մուշը ռուսները վերադարձրեցին Օսմանյան կայսրությանը:
- 2) Ռուսաստանին էին անցնում Ախալքալաքը և Ախալցխան:
- 3) Ռուսաստանին էր անցնում նաև Արևմտյան Հայաստանի զգալի մասը՝ Կարսը, Արդահանը, Կադզվանը և Օլթին:
- 4) Ռուսաստանը Դանուբյան շրջանում ստանում էր Բեսարաբիան:
- 5) Ռուսաստանին էին անցնում սևծովյան առափնյա շրջանները՝ Փոթի նավահանգստով:
- 6) Ազատ առևտրի իրավունք էին ստանում երկու կողմերի հպատակները:
- 7) Թուրքիան պարտավորվում էր Ռուսաստանին վճարել 20 միլիոն ռուբլի ռազմատուգանք:

62

**Թվարկվածներից որո՞նք են արդի կրթամշակութային կյանքի իրական արդյունքներ:**

- 1) Հայաստանում դադարեցին գործելուց գրողների և արվեստագետների բոլոր միությունները:
- 2) Սփյուռքահայ նկարչուհի Սոնիա Պալասանյանի նախաձեռնությամբ 1993 թ. Երևանում բացվեց Նորարար փորձնական արվեստի կենտրոնը (ՆՓԱԿ)՝ սեփական պատկերասրահով:
- 3) Հայաստանում իր գործունեությունը վերսկսեց աշխարհահռչակ դիրիժոր Օհան Դուրյանը:
- 4) Գևորգ Գևորգյանը ստեղծեց Գարեգին Նժդեհին նվիրված հուշահամալիրը Կապանում:
- 5) Արամ Ղարաբեկյանը 2000 թ. ստանձնեց Հայաստանի ֆիլհարմոնիկ նվագախմբի ղեկավարությունը:
- 6) ՀՀ-ում ներդրվել է պարտադիր միջնակարգ կրթություն՝ 12-ամյա տևողությամբ և եռաստիճան հանրակրթական ծրագրերով:
- 7) Երևանում կանգնեցվել է Արա Շիրազի «Հովհաննես Բաղրամյան» ձիարձանը:

63

**Ստորև տրված պնդումներից որո՞նք են սխալ:**

- 1) Մեծ եղեռնի հիսնամյա տարելիցի օրը Երևանում տեղի են ունեցել զանգվածային ցույցեր և հանրահավաքներ. Հայաստանում նման մասշտաբի ելույթներ եղան նաև 1980-ական թթ.:
- 2) Անկախության հռչակագրի ընդունումից երկու ամիս անց ՀՀ Գերագույն խորհուրդը Հայաստանը հռչակել է անկախ պետություն:
- 3) Հայաստանի Գերագույն խորհրդի սահմանադրական հանձնաժողովը, որ ստեղծվել էր 1992 թ. նոյեմբերի 15-ին, զբաղվում էր նոր Սահմանադրության նախագծի մշակմամբ:
- 4) Մինչև ՀՀ անկախության հռչակումը երկրում արդեն ներդրվել էր բազմակուսակցական համակարգ:
- 5) Հետխորհրդային շրջանի ՀՀ Գերագույն խորհրդում ամենամեծ խմբակցությունն ուներ ՀԿԿ-ն:
- 6) ՀՀ Սահմանադրության փոփոխությունների առաջին տարբերակը հաստատվել է ՀՀ նախագահական չորրորդ ընտրություններից հետո:
- 7) ՀՀԿ-ն, ՀՅԴ-ն ու ՕԵԿ-ը 2003 թ. մայիսի 25-ի ԱԺ ընտրություններից հետո ստորագրել են քաղաքական կոալիցիայի համաձայնագիր:

64

**Ո՞ր իրադարձություններն են խախտում տրված շարքի ժամանակագրական հաջորդականությունը:**

- 1) Տրդատ II-ի արշավանքը Տիգրան
- 2) Ոսիսայի ճակատամարտը
- 3) Հռոմեական կայսր Կարակալլայի գորքերի ջախջախումը Հայաստանում
- 4) Մազբութների ջախջախումը Յլու գլուխ լեռան ճակատամարտում
- 5) Համագասպ Մամիկոնյանի նշանակումը հայոց սպարապետ
- 6) Արշակ III-ի գահակալության սկիզբը
- 7) Վռամշապուհի գահակալության սկիզբը
- 8) Խոսրով IV-ի երկրորդ անգամ հայոց գահ բարձրանալը

65

**Թվարկվածներից որո՞նք են խախտում 1720–ական թթ. տեղի ունեցած դեպքերի տրված շարքի ժամանակագրական հաջորդականությունը:**

- 1) Իվան Կարապետի ժամանումը Արցախ
- 2) պարսից շահին ապստամբներից պաշտպանելու պատրվակով Պետրոս Առաջինի կազմակերպած արշավանքի սկիզբը Անդրկովկաս
- 3) թուրքական բանակի կողմից Թիֆլիսի գրավումը
- 4) Կ. Պոլսի ռուս–թուրքական պայմանագրի կնքումը
- 5) Կարբի գյուղի դիմադրությունը թուրքական բանակին
- 6) Երևանի պաշարման սկիզբը թուրքական զորքերի կողմից
- 7) Հալիձորի ճակատամարտը
- 8) հայ զինվորականության մի մասի՝ Ավան և Թարխան հարյուրապետերի գլխավորությամբ, ռուսական բանակ տեղափոխվելը
- 9) Գյուլիստանի սղնախի պայքարի շարունակումը թուրքական նվաճողների դեմ Աբրահամ սպարապետի գլխավորությամբ

66

**Գտնել ճիշտ պատասխանները:**

**1918 թ. մարտի 3–ին Բրեստ–Լիտովսկում ստորագրված պայմանագրի հետևանքով՝**

- 1) Թուրքիան պարտավորվում էր հրաժարվել Հայաստանին հանձնված տարածքների նկատմամբ բոլոր իրավունքներից:
- 2) Օսմանյան Թուրքիային անցան Արևմտյան Հայաստանի ազատագրված մարզերը:
- 3) Ռուսաստանը իր զորքերը շուտափույթ դուրս հանեց Կարսի և Բաթումի մարզերից:
- 4) Ռուսաստանը պարտավորվեց ճանաչել Արևմտյան Հայաստանը որպես արևմտահայության հայրենիք:
- 5) Ռուսաստանը դադարեցրեց իր մասնակցությունը Առաջին աշխարհամարտին:
- 6) Զորացրվեց Հայկական կորպուսը:
- 7) Կովկասում մնաց ընդամենը ռուսական երկու կորպուս:



**Ստորև թվարկված պատմական իրադարձությունների հետևանքներից որո՞նք են ճիշտ:**

- 1) Աբդուլ Համիդ II-ի կողմից քրդական հեծելազորներ ստեղծելու պատճառներից էր քրդերին հակակառավարական գործողություններից հեռու պահելը:
- 2) Սան Ստեֆանոյի պայմանագրի համաձայն՝ Ռուսաստանը ձեռք բերեց միայն Կարսը, Կարինը, Կադզվանը, Օլթին, Արդահանը:
- 3) 1724 թ. Էրզրումի պայմանագրով Ռուսաստանը տեր դարձավ մերձսևծովյան տարածքներին:
- 4) Արցախի XVIII դ. 20-ական թթ. զինված պայքարի ընթացքում հայ ազատագրական ուժերը թուրքական բանակի դեմ համատեղ պայքարի պայմանագիր են կնքել Գանձակի մահմեդականների հետ:
- 5) Բեռլինի պայմանագրով Օսմանյան կայսրությունը հետ ստացավ Բայազետը, Կարսը:
- 6) Փետրվարյան հեղափոխության հետևանքով Անդրկովկասում ստեղծվեց իշխանության նոր մարմին՝ Անդրկովկասի կոմիսարիատը:
- 7) Պարսկական շահը ճանաչել է Դավիթ բեկի իշխանությունը, նրա հետ դաշինք է կնքել և իրավունք վերապահել դրամ հատելու:

**Ստորև տրված պնդումներից որո՞նք են սխալ:**

- 1) Մեծ հայրենադարձության տարիներին Խորհրդային Հայաստան հայրենադարձվել է ավելի շատ մարդ, քան 1921–1936 թթ. և 1950–1982 թթ. ընթացքում միասին վերցրած:
- 2) ԽՍՀՄ կառավարության որոշմամբ 1947թ. Խորհրդային Հայաստան պետք է ներգաղթեին ևս շուրջ 63 հազար սփյուռքահայեր:
- 3) Ամենամարդաշատ հայկական գաղթօջախները 1920-ական թթ. սկզբին Ֆրանսիայում և ԱՄՆ-ում էին, որոնց բարեկամական վերաբերմունքի շնորհիվ ապաստան էին գտել հարյուրհազարավոր հայեր:
- 4) Հայկական հարցը քննարկվել է Լոզանի կոնֆերանսում, որտեղ էլ փաստորեն մոռացության է տրվել Սևրի պայմանագիրը:
- 5) Հայկական հարցի արդարացի և վերջնական լուծման ամբողջ ծանրությունն իր վրա էր վերցրել խորհրդային պետությունը:
- 6) Նյու Յորքում կայացած Հայկական համաշխարհային կոնգրեսը, ներգաղթի կազմակերպման, Հայրենիք–Մփյուռք կապերի ամրապնդման հարցերը քննարկելուց բացի, փաստաթուղթ էր պատրաստել հայկական հողային պահանջների վերաբերյալ և ներկայացրել ԱՄՆ-ի նախագահ Ռուզվելտին:

**Արևելքի ժողովուրդների առաջին համագումարին վերաբերող պնդումներից որո՞նք են ճիշտ:**

- 1) Դավադիր այս փաստաթղթի ընդունումից երկու ամիս անց Թուրքիան առանց պատերազմ հայտարարելու ռազմական գործողություններ սկսեց Հայաստանի ու Վրաստանի դեմ:
- 2) Արևելքի ժողովուրդների առաջին համագումարը տեղի ունեցավ Անկարայում և նպաստեց ռուս-թուրքական բարեկամության ամրապնդմանը:
- 3) Համագումարը կարևոր դեր խաղաց Արևելք-Արևմուտք համագործակցությունն ամրապնդելու գործում:
- 4) Արևելքի ժողովուրդների առաջին համագումարի ստեղծած «Քարոզչության և գործողության խորհուրդը» 1920 թ. սեպտեմբերի 18-ին ընդունեց մի բանաձև-փաստաթուղթ, որի հիմնական դրույթներն ամբողջությամբ ուղղված էին ՀՀ-ի և հայ ժողովրդի դեմ:
- 5) Այդ խորհրդի մշակած փաստաթղթի համաձայն՝ Ռուսաստանից պահանջվում էր «թուրք-հայկական նոր կոտորածները» կանխելու պատրվակով որպես փրկարար և հաշտարար մտնել Հայաստան:
- 6) Այդ բանաձևով առաջարկվում էր հնարավոր բոլոր միջոցներով օգնել քեմալականներին և Հայաստանի վրա նրանց ռազմարշավի միջոցով նպաստել վերջինիս խորհրդայնացմանը:

**Ներկայացված պնդումներից որո՞նք են ճիշտ:**

- 1) Հայաստանում մոնղոլական տիրապետության հետևանքով այնքան շատ հայ բնակչություն էր գաղթել Դրիմի թերակղզի, որ դրա հարավ-արևելյան շրջանը հաճախ անվանում էին Ծովային Հայաստան:
- 2) XIV դարի վերջերից հայոց կաթողիկոսական Աթոռի փոխադրումը Հայաստան դարձել էր մեծ անհրաժեշտություն:
- 3) Կ. Պոլսի հայոց պատրիարքությունը կարգավորում էր օսմանյան կայսրության հայ համայնքի հոգևոր և աշխարհիկ կյանքը:
- 4) Թուրք-պարսկական պատերազմների հետևանքով Իրանի խորքերը գաղթեցված հայերը XVI դարի սկզբներին հիմնեցին Նոր Ջուղան:
- 5) Արևմտյան երկրների, մասնավորապես Հռոմի օժանդակությամբ հայոց պետականությունը վերականգնելու քարոզչությունը Կիլիկիայում և Հայաստանում լայն տարածում ստացավ հայ բնակչության մեջ XV - XVII դարերում:
- 6) Նադիր շահի տիրապետության շրջանում Արցախի, Գեղարքունիքի, Սյունիքի, Վայոց ձորի հայ իշխանները սկսեցին կոչվել մեյլիքներ:

**Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել առաջինը:**

- 1) Բաբը Ալիի ցույցը
- 2) Մայիսյան բարենորոգումների ծրագրի հանձնումը սուլթանին
- 3) Խանասորի արշավանքը
- 4) Գում Գափուի խաղաղ ցույցը
- 5) Շենիկի գյուղապետ Գրգոյի տանը ինքնապաշտպանական ժողովի հրավիրումը
- 6) Աղասու նախագահությամբ Ջեյթունի ժամանակավոր կառավարության կազմվելը
- 7) Սարգիս Կուկունյանի արշավանքը
- 8) Գևորգ Չավուշի ու Անդրանիկի վրեժխնդիր լինելը Բշարե Խալիլից

**Ընտրել տերմինների կամ հասկացությունների սխալ բացատրությունները:**

- 1) «Որոգայթ փառաց» գրքում պետության բարձրագույն օրենսդիր մարմինը պետք է կազմվեր ժողովրդի կողմից ընտրված փոխանորդներից (պատգամավորներից):
- 2) Նեպի տարիներին իրենց աշխատանքի շնորհիվ կայուն գյուղացիական տնտեսություն ստեղծած խավը հայտնի էր կուլակ անվանումով:
- 3) 1923 թ. նոյեմբերին Երևանում գումարված այն համաժողովը, որտեղ հնչակյանները հանդես եկան իրենց վերացման մասին հայտարարությամբ, կոչվեց ինքնավերացման համագումար:
- 4) Արցախյան շարժման սկզբում Երևանում տեղի ունեցող բողոքի հանրահավաքները գլխավորող մարմինը կոչվում էր ՀՀՇ:
- 5) ԽՍՀՄ-ում 1980-ական թվականների երկրորդ կեսին իրականացված քաղաքականությունը հայտնի է «վերակառուցում» անունով:
- 6) Այն կազմակերպությունը, որին պաշտոնական եկեղեցու դեմ պայքարում օգտագործում էին խորհրդային իշխանությունները, կոչվում էր «Ազատ եկեղեցական եղբայրություն» կամ «Նոր եկեղեցի»:
- 7) ԱՄՆ-ում Հայ հեղափոխական դաշնակցության ստեղծած Հայկական ազգային խորհուրդը հայտնի է նաև Հայ դատի հանձնախումբ անունով:
- 8) 1919 թ. սեպտեմբերին ստեղծված Հայաստանի միավորված բոլշևիկյան կազմակերպությունների կենտրոնական ղեկավար մարմինը հայտնի էր «Հայաստանի կոմիտե» անունով:

**Նշել տերմինների կամ հասկացությունների ճիշտ բացատրությունները:**

- 1) Պարոնտերը Բագրատունյաց Հայաստանում փոխարինում էր Արշակունիների շրջանի հայր մարդպետին:
- 2) Բագրատունյաց շատավիդներից ձևավորված խավը կոչվում էր ոստանիկներ:
- 3) Հայաստանի պարսկա-բյուզանդական բաժանումից հետո Բարձր Հայք նահանգը կրում էր «Մեծ Մասն Մեծ Հայոց» անունը:
- 4) Պարսից արքայի և բյուզանդական կայսեր միջև 363 թ. կնքված պայմանագիրը անվանել են «ամոթալի»:
- 5) Հերթ ոստիկանի «աշխարհագրով» ծխահարկը փոխարինվեց գլխահարկով:
- 6) Հայաստանի պարսկա-բյուզանդական բաժանումից հետո Այրարատ նահանգի մեծ մասի վրա կազմված վարչական միավորը կոչվում էր «Ներքսագոյն Հայք»:
- 7) Արշակունյաց Հայաստանում արքունիքը կոչվում էր երիցանի:
- 8) Հայաստանի պարսկա-բյուզանդական բաժանումից հետո Տուրուբերան նահանգը հայտնի էր «Մեծ Հայք» անունով:

**Ստորև տրված պնդումներից գտնել որո՞նք են ճիշտ:**

- 1) Անդրեաս Տեր-Մարտիքյանի կերտած՝ Խաչատուր Աբովյանի հուշարձանը նոր շրջանի հայ կերպարվեստի առաջին կոթողային քանդակն է:
- 2) Հայտնի նկարիչ Ստեփանոս Ներսիսյանը Պետերբուրգի գեղարվեստի ակադեմիայում սովորել է Ադաթոն Հովնաթանյանի հետ:
- 3) Մաղաքիա Օրմանյանը գալիք սերունդներին ավանդել է զգուշանալ եվրոպական տերությունների քաղաքականությունից, որովհետև նրանց համար գլխավորը «շահն ու օգուտն է»:
- 4) XIX դ. վերջին հայ գեղանկարչության մեջ մինչ այդ բացառիկ նշանակություն ունեցող բնանկարի ժանրն իր տեղը զիջել է դիմանկարին:
- 5) Բյուզանդիայի պատմության, հայոց միջնադարի և Հայկական հարցի ուսումնասիրության ասպարեզում զգալի ներդրում է ունեցել Անտոն Գարագաշյանը:
- 6) Անտոն Գարագաշյանի «Պատմութիւն Հայոց» աշխատությունը ընդգրկում է հայ ժողովրդի ծագումից մինչև V դ. ավարտն ընկած ժամանակաշրջանը:

**Թվարկվածներից որո՞նք ճիշտ չեն արտահայտում պատմական իրադարձությունների պատճառահետևանքային կապերը:**

- 1) Ստալինի անձի պաշտամունքի ձևավորման հետևանքը ԽՍՀՄ-ի հաջողություններում և հաղթանակներում ժողովուրդների դերի թերագնահատումն էր:
- 2) 1965 թ. Մեծ եղեռնի տարելիցին նվիրված միջոցառումների անցկացումը հետևանք էր ազգային ինքնագիտակցության զարթոնքի:
- 3) Հայաստանում այլախոհական կազմակերպությունների հանդես գալը պայմանավորված էր ազգային զարթոնքով և կորցրած պատմական տարածքները վերադարձնելու գաղափարով:
- 4) Հայաստանում ազգային ինքնագիտակցության զարթոնքի պատճառը ԽՍՀՄ-ում ստալինիզմի վերացման գործընթացն էր:
- 5) Խորհրդային Հայաստանում բնակչության կենսամակարդակի աճի հետևանքը սփյուռքահայության մեծ հայրենադարձությունն էր:
- 6) Խորհրդային Հայաստանում հայրենադարձության հետևանքը ՀԽՍՀ ժողովրդագրական իրավիճակի վատթարացումն էր:
- 7) Կոլեկտիվացման արդյունքում խորհրդային երկրի գյուղատնտեսության վիճակը կտրուկ բարելավվեց, աճեց աշխատանքի արտադրողականությունը:

**Իրադարձությունները դասավորել ժամանակագրական հաջորդականությամբ:**

- 1) Կարսի պայմանագրի ստորագրումը
- 2) Սևրի պայմանագրի ստորագրումը
- 3) Ալեքսանդրապոլի թուրք-հայկական հաշտության պայմանագրի կնքումը
- 4) Խորհրդային Ռուսաստանի ճնշման ներքո թուրքական գորքերի հեռանալը Ալեքսանդրապոլից
- 5) Մոսկվայում «Ռուս-թուրքական բարեկամության և եղբայրության» պայմանագրի ստորագրումը
- 6) Հովհաննես Ադամյանի կողմից եռագույն հեռուստատեսության և լուսահեռագրության սարքի ստեղծումն ու ցուցադրումը
- 7) Ջանգեզուրի խորհրդայնացումը
- 8) Արևելքի ժողովուրդների 1-ին համագումարը

**Իրադարձությունները դասավորել ժամանակագրական հաջորդականությամբ:**

- 1) «Էջմիածնի ավետարանի» ձեռագրի կազմումը
- 2) Մովսես Խորենացու «Հայոց պատմություն» աշխատության երկրորդ գիրքը եզրափակող իրադարձությունները
- 3) «Կանոնագիրք Հայոց» երկի կազմումը
- 4) «Կնիք հաւատոյ» ժողովածուի կազմումը
- 5) «Հայոց Մեծ թվականի» սահմանումը
- 6) Առաջին բարձրագույն դպրոցի հիմնումը Հայաստանում
- 7) Առաջին հայ պատմիչի աշխատության տպագրումը իր կենդանության օրոք
- 8) Արևմտյան Հայաստանում հայոց դպրոցների բացումը Մեսրոպ Մաշտոցի նախաձեռնությամբ

**Ք. ա. I դարի իրադարձությունները դասավորել ժամանակագրական հաջորդականությամբ:**

- 1) Ատրպատականի թագավորության միացումը Հայոց թագավորությանը Արտաշես II-ի օրոք
- 2) Արտաշես II-ի օրոք Հայաստանում բոլոր հռոմեացիների ոչնչացումը
- 3) Հայոց արքայի դավադրական սպանությունը Արտաշատ քաղաքում
- 4) Հայոց արքայի և թագուհու հրաժարվելը մեծարանքի խոսքեր ասել Եգիպտոսի թագուհուն
- 5) Լուկուլլոսի զորքերի հեռացումը Հայաստանից
- 6) Հայ-պարթևական դաշինքի կնքումն Արտաշատում
- 7) Կրասոսի բանակի ժամանումը Ատրիք
- 8) «Յոթանասուն հովիտների» վերադարձը Հայաստանին

79

**Իրադարձությունները դասավորել ժամանակագրական հաջորդականությամբ:**

- 1) Կարսի հանձնումը Բյուզանդիային Գագիկ Աբասյանի կողմից
- 2) Տաշիր-Ձորագետի թագավորության ընդգրկումը վրացական պետության կազմի մեջ
- 3) Մամգիսե-Ջավախքի իշխանության ստեղծումը
- 4) Լոռե քաղաքի գրավումը մոնղոլների կողմից
- 5) Ամբերդ ամրոցի ազատագրումը հայ-վրացական զորքերի կողմից
- 6) Երզնկայի գրավումը մոնղոլների կողմից
- 7) Գանձակ քաղաքի ավերումը մոնղոլների կողմից
- 8) Գագիկ II թագավորի սպանության վրեժի լուծումը

80

**Իրադարձությունները դասավորել ժամանակագրական հաջորդականությամբ:**

- 1) Նշանավոր հայդուկ Քեոիի գոհվելը Ռևանդուզի կովում
- 2) Արցախահայության 1-ին համագումարը Շուշիում
- 3) ՀՅԴ-ի 9-րդ ընդհանուր ժողովի գումարումը
- 4) Հայաստանի առաջին հանրապետությունում պետական լեզվի մասին օրենքի ընդունումը
- 5) Դրոյի ջոկատի կողմից Խնուսի գրավումը
- 6) Արարայի ճակատամարտը
- 7) Արևմտահայերի առաջին համագումարը
- 8) 26 կոմիսարների գնդակահարումը